

9.

VIRENTIS
SOCIETATIS
MON. MET.
BREVIS RELATIO.



AMSTELODAMI
ANNO MDCCXXXIX.

SOCIETY

FOR THE

IMPROVEMENT OF THE



1821
A. C. C. A.



omo ad societatem nascitur &
ad illam cum suo genere ineun-
dam atque colendam propen-
sione naturae suae fertur. Solus
enim vitam degere nequit & se ipsum non
nisi opē aliorum conservare potest; quia
sine hac periculis expositus, necessariis ad
vivendum rebus destitutus & commodita-
tibus atque deliciis omnibus semper priva-
tus existeret. Ideo summus GROTIUS aliique
cum illo primum juris naturae principium
socialitatem posuerunt, eo quod omnes
sua natura cum maximo instinctu trahun-
tur ad consortium inter se ineundum, & in-
de a primordio in multifarias societates se
contulerunt, ut vivant vitam securam at-
que

que jucundam, neque vita esset taedium & ipsa morte tristior. Exinde ortae sunt familiae, gentes, civitates, respublicae aliaeque societates innumerabiles. Quo autem arctior est societas, eo majori continetur securitas, gratia atque constantia. Arctissima autem est illa, quae inter amicos constituitur. Haec enim non vi, sed amore continetur, ex quo fit, ut officia mutua non coactione, sed sponte ex interno instinctu & cum summa quadam delectatione impleantur. Quantos vero habeat fructus amicitia vera, certa atque infucata, dicere difficilius est, videre clarius, at dulcius experiri. Quam sit necessaria nemo est qui nescit, ita ut non aqua, non igni pluribus locis utamur quam amicis. Est autem illa, ut CICERO quidem inquit *de Amicit. cap. VI.* omnium divinarum humanarumque rerum cum benevolentia & caritate summa consensus; h. e. consensus animorum & actionum atque bonorum necessaria ac jucunda communicatio. Hinc opportunitates, quas vera haec atque perfecta, non vulgaris illa, ami-

amicitia habet, sunt infinitae. Tales enim amici absentes adfunt, egentes abundant, imbecilles valent, in prosperis amicorum rebus gaudent, in adversis dolent, in necessitatibus succurrunt, in dubiis consilium dant, in periculis auxilium ferunt, opes communicant, voluptates augent, secreta nostra reticent, in solitudine dant solatium, in negotiis juvant, in injuriis defendunt, in adversis refugium praebent, nec in periculis deferunt. Talem inter se colunt amicitiam sinceram, veram atque certam, MON. MET. societatis focii praesentes & absentes, quae summa fide nititur, atque justitia & constantia conservatur. Et quia hae virtutes, quae unicum fundamentum eorum amicitiae constituunt, non ad certos regionis terminos alligantur, neque cum una gente conjunguntur, neque certae nationi aut religioni propriae sunt, neque cum certo hominum statu cognationem contraxerunt, ideo etiam haec societas in feligendis membris suis nullum habet respectum gentis, aut nationis, aut religionis, aut cujuscun-

que hominum status; sed ex omnibus illos tantum adoptat ubi vis terrarum, qui sunt iusti, prudentes, constantes, & fide super reliquos mortales eminent. Per soluto itaque pretio ad ferenda societatis onera leviori recipiuntur in consortium qui digni habentur, ex more solito, ita ut ad fidem societati praestandam sub vinculo religionis se obligatos pronuncient. Adstringuntur praeterea tribus votis ad observanda officia necessaria, utilia & excellentiae hominis prae ceteris digna, quae nimirum sunt: *Promissis stare & datam fidem servare; porro; Ab omni fraude alienum esse; & denique, Derelictis ab omni humano auxilio opem ferre necessariam.* Vota enim sunt media admonendi officii sui aptissima, quo ipso omnes, qui Deum timent, attenti redduntur ad actiones suas, ne contra id, quod voverunt, impingant. Praecipua & singularia Societatis cum tempore & per gradus innotescunt, & quidem illis aperiuntur, qui incorrupta fide probantur; illi contra, qui violata fide iustitiam laedunt atque ab offi-

ciis suis sine spe emendationis discedunt,
aliquoties frustra admoniti iterum remo-
ventur, & inita solvuntur coniunctione.
Distinguuntur Societatis huius membra
symbolo quodam, quod *Prudentia, Amore
atque Experientia* absolvitur, atque dissita
ac ignota sibi invicem certis signis quoque
fiunt cogniti. Quod vero praecipuum est,
per intimam quam excolunt amicitiam co-
operantur omnes ad optimum obtinen-
dum finem, qui est sui & aliorum hominum
cognitio. Student interiora sui intueri tan-
quam in speculo externam corporis for-
mam, & per hoc vitia dediscere per media,
quae in promptu habent, nec non virtute, fide
atque veritate superare reliquos. Cognitio
aliorum hominum illis maximos affert fru-
ctus per totam vitam. In id enim operam
collocant, ut sciant discernere homines, bo-
nos a malis, probos ab improbis, fideles ab
astutis, veraces a mendacibus, prudentes a
simplicibus, sapientes a stultis, & in hunc
finem occulta cordis revelare norunt. In-
telligunt enim characteres humano corpori
impres-

impressos & ad legendas scripturas animum applicant in fronte ac facie cujusvis exaratas, quibus intimae cordis propensiones revelantur ab invitis, & produnt nobis quae quis egit, & quid acturus est, quid amet, & quid odio habeat, quo delectetur, & a quo abhorreat, cujus rei capax, & cujus incapax sit. Judicant socii de actionum humanarum eventu bono & malo. Praesentia discernunt & futura praespiciunt, atque praevident, quid ex uno quoque negotio enasci possit. Eo ipso autem intima verae sapientiae claustra rumpunt & ad occulta rerum abditaque negotia penetrant.

Adscribuntur initia hujus Societatis JOSEPHO Israelis filio, qui maximus occultorum revelator extitit in Egypto secundus a rege factus. Propagata fuit haec sapientia in suis posteris, inter quos Rex Salomon summa ejusdem cognitione instructus praedicatur, ut etiam avium ac aliorum animalium voces intellexerit; Sap. VII. v. 20. 21. Regina de Saba ad tentandam ejus sapientiam inter alia pueros & puellas uno vestitu induere jussit, quos autem moribus statim in lavandis manibus discernebat. Diu latebat haec societas, sed revivixit demum, & in Germania quoque innotuit; & licet omnem ostentationis speciem effugiat & in deliciis potius habeat cancellis includi onerosa amplitudine haud infirmis, ut eo tutius delitescat; aequum tamen visum fuit membris, praesentem nunc sui notitiam facere, ad evitanda sinistre divinantium judicia, & ad calumnias male volentium removens feliciter.

